


整屋縣志

卷

二



重修縣志序

余於乾隆辛丑秋承乏蓋邑越明年會有差調去繼任者
為莊君李君時邑人士以重輯志乘請事上 大府報可
屬鎮洋王先生秉筆焉王固領邑講席有年於此地之疆
理山川土田民物官師典故宜其析焉精辨焉詳也已

夏開纂余適還蒞相與商確訂正至秋仲歲事得書

卷夫修志之役動稱因舊者易為力每有據成書畧點染
竄易沿訛襲偽依樣葫蘆及稍稍綴入近事規撫舊文增
展卷帙使稱新本殊不免荒陋之誚至一二淹通之士又
欲變換前人務標竒立異相矜詡瑕疵動摘壁壘競新而
於簡明覈要之體裁究未恰合是均失也昔趙子函跋武

功志云今人志與古人異博雅不足其弊俚褻貶無當
其弊妄則續修之難更有難於創也審矣舊志成自明
嘉靖年至

本朝康熙雍正間駱章董三君子嗣修乾隆己巳洎陽鄒
君復加增葺較前事倍文詳然卷中百年來蕪詞蹟
踈盭日甚矧今去鄒君時又三十年其闕水利之通塞
物產之登耗賦役之去存以及職官選舉人物類需
增益別偽存真因創兼有尤不容不慎厥事也書
成例上

各憲鑒定值屢更調不果余又得從容覆核之遲
四月始付鋟仰惟

聖天子重熙累洽文治日光各省郡邑志漸臻美備余不
敏躬與修明亦惟是不敢假易之心藉手上報以備
採風者設教觀民之一助是余之厚幸也夫

昔

乾隆五十年歲在乙巳嘉平上浣知縣新城楊儀
翊亭氏謹序

舊序

周官方相氏掌境內輿圖之事即後世志之所由作漢
龍門扶風諸家乃志之鼻祖也蓋置自漢迄唐
皆為園囿地故無志宋以後宜有志而亦弗傳不解也
今志創自有明邑人王兩曲至

本朝駱章二公續修之予於丙寅冬承乏茲邑於山川見
終南渭河之大於城邑見恆州宜壽之古於政治見白
蘇二公之清風於人物見趙王諸公之亮節且於文見
曼倩長卿之樸茂於詩見香山東坡之風流至若穆王
乘駿樂奏元池武帝射熊榭成五柞他如草樓牛柏黑
水龍潭地以人傳皆歷歷可數竊自以為志之所載必

詳盡靡有缺遺堪佐考訂者之一助不期於繙閱之下
見記載者僅十之半而遺逸者亦不啻十之半不禁掩
卷而大息者久之夫蓋固周秦漢唐之名區也人物事
蹟文章散見於史籍及他說者往往如美玉精金光彩
不可掩沒而舊志皆遺而弗載幽光潛德之謂何豈所
以光邑乘輝梓里哉因不敢自諉將一切邑事之有見
諸卷帙者悉為收羅補入共分前後十卷自捐廉俸
付諸剞劂氏然以見聞孤寡搜輯亦多遺亡如山川之
變遷建置之沿革仍未能指陳明悉考據精詳人情風
土之故紀載仍未能周全善政流風之遺考訂仍未能
確實由賦典章仍未能顯如沙畫泥印科名人物仍未

成湮沒惟是從來纂修舊例類皆徵聘名流委任紳士事
同築舍義等輿瓢去取百端雌黃萬狀因而毀譽出其唇
吻高下在其毫端所親厚者必曲騰冉閔之稱所仇疾者
遂巧織萋菲之錦更有啖金諛墓附熱取容賢良孝友久
成酬賂之私節義文章大半約交之具魏收穢吏滔滔者
天下同流董狐直筆凜凜者千秋難再豈惟一邑之簡書
如是實恐累朝之信史亦然念此頽風安和紀極余是以
痛懲斯弊不欲假手一人雖廣諮詢咸歸獨斷凡夫修廢
舉墜必核其真興利除弊務書其實鄉賢名宦矢不輕加
匹夫寒士力為蒐採死節義者雖微必錄正以道德可假
而性命則真享耄年者雖善不書為其一息尚存而全歸

未定獎勵尤先於閨閫闡揚不靳於人奴文以紀事苟有
關於境內者不以多列為嫌詩以採風惟邑人所著作者
始為稍寬其額總之衡人品則寧嚴而無濫採詞章則寧
少而無多間有感於胸懷必發舒其議論雖規模次第本
無大異於前人而意見指歸惟欲折衷其至是至於知我
罪我則聽之後人而已是役也始於中元竣於重九蓋得
之簿書之隙退食之餘無假深思徒知一徃筆墨踈拙詞
意支離寧辭寡昧之譏但不敢蹈模稜之轍爾

康熙二十年歲次辛酉重九日文林郎知縣厘縣事加六

級會稽章泰來之氏識

嘗讀漢書而知西京山川風物之美輒神往焉以為是文

武式化之基也已亥春奉

命分符蓋邑甫蒞事即取邑乘以一風俗稽文物審民情而
檢閱舊志乃故明肅廟時兩曲王先生所作去華斥浮崇
尚古朴然未免失之太簡至隆萬以降迄我

朝鼎定以來百餘年間興廢損益之事湮沒無傳不禁置書
興嘆慨然有踵事之思然而難言之蓋數年之來水旱頻
仍閭井蕭條而軍興孔亟上有難緩之征下多宿逋之課
則催科為難考成嚴切吏懷痼瘵之隱國無可捐之賦則
撫字為難鴻雁興歌而埜多曠土則難在招致安宅甫集
而家無擔儲則難在拊循且也岩險有分防之卒瀕河有
牧馬之師兵民雜處則調劑之為難至聽無情之訟修累

廢之工則鉤距整頓之亦難積此數難謏劣如麟任過不
遑何暇從事文墨附著作之林乎雖然邑有志猶國有史
上臺屢檄徵之業已殘闕而不亟為修明其何以昭宣往
昔開示來茲乎茂陵徐令開熙為浙西名宿謝事之餘欲
採紫雲王女之勝空谷足音足然及我請益之餘因以志
事相托徐令任之不辭而邑中碩學數人相與朝夕共襄
厥事於是詳稽往籍博採羣言麟亦不辭鄙陋簿書之暇
時詣商訂辨訛存實彙次而新之凡有係於邑罔不取列
焉夫古今時勢不同事宜各異故畫分野原山川奠城社述灾
祥使後世有所考核定賦稅稽丁徭著防禦記興作使後世
有所率循叙官師表名宦崇先達使後人知所觀感錄醇

修闡幽芳載藝文使後人知所興起神而明之固有望於
上臺之釐正與後之君子聿加詳核云爾書成凡十卷事
肇於夏六月而竣於冬十月同事者為趙子籲俊楊子實
儒王子藻焦子濃劉子運昌趙始復袁子凌鳳蔡子國藩
史子垂憲劉子唐皆士林僑盼也

康熙三年十月望日臨安駱鍾麟識

孟子曰諸侯之寶三土地人民政事夫縣古侯國也諸事
物無出乎此故縣志以此為綱其目有山川因地體而建
縣城池古蹟公署祠祀寺觀雖人謀亦皆地載者故綱以
土地官師有位之人民之師帥也人才固編民中出也故
綱以人民田賦政之大者物產屯田水利橋梁風俗非政

不能以裁成故以政事凡綱三目一十有五志舊載者雖
廢悉錄而今所續者皆徵諸古碑往籍雖老相傳雖同辭
亦不敢指實舉以疑著自愧煩陋以始述不敢晦略俟後
作者可參考焉

明嘉靖四十二年六月邑人王三聘識

補修邑志序

邑史所以信今而傳後也。有大綱以及細目，不容畧而弗載。矧士大夫之為民望者，乎蓋屋有志，仿自有明而因而修之者為

本朝駱章、鄒楊諸君子，其山川土地之美、城郭溝渠之固、人民政事之蹟，因事考詳，隨時纂輯，宜乎其無不備矣。最後為新城楊公公之修此志也。在乾隆乙巳迄今歷十年所，而其揖蝕破壞者不下四十版。余承乏茲邑，公餘之暇披而閱之，未嘗不嘆修舉之難而嗟廢墜之易。命匠補刊，俾無殘缺。且聞之選舉科內士申，則輩君兆蘭與晏君士仁並舉孝廉，斯編所載。僕存輩而遺晏，豈

士之有幸有不幸乎抑採訪者之所當增八也竊惟
國家文治之隆人才之盛蒸蒸日上寧獨二曲之間可以
指數然余自戊申以來親見夫歌鹿鳴登賢書者已比
比若是是宜表而章之夫士之達於政也久矣昔人云
學古八官又曰學優則仕他日之治國經邦即此日之
鄉舉里選邑乘之載豈淺鮮哉則夫官斯土者其學成
而來也守其山川土地修其城郭溝渠治其人民政事
而使邑人誦之者尤為當志云爾

乾隆五十八年四月吉旦黔陽鄧秉綸謹誌

重修盩厔縣志目錄

卷之一

地理

卷之二

建置

卷之三

古蹟

卷之四

賦役

卷之五

知縣楊儀重修

祠祀

卷之六

職官

卷之七

選舉

卷之八

人物

卷之九

風俗

卷之十

紀兵

重修蓋屋縣志姓氏

知

縣

楊儀

承修

江

蘇

鎮

洋

縣

貢

生

王開沃

編輯

儒

學

教

論

李登衡

彙編

訓

導

邵錫霖

縣

丞

熊儀東

同校

典

史

周之綱

邑紳士

王

永

趙鵬飛

徐尚質

高文清

張

汕

王縉

呂芳

李先登

張戎謨

侯憲

張元龍

強名震

丁南陽 尚 梓 馬毓騏 傅萬青

安吉士 樊兆麟 朱存道 王者禎

辛 元 任兆熊 王經邦 張鶴鳴

張世祿 趙 鴻 谷生苓 朱閑道

司鎮藩 齊紹呂 惠 楡 李敬修

蘇士琰 王棲鳳 王懷珍 蕭 琰

袁 儒 王 朴 劉 仲 郝 遇

朱依中 馬步月

金成已 張守和 張養相 王世春

補修監工

趙 道

採訪

校刊

盤屋縣志卷之一

知縣楊儀重修

地理

沿革

國朝盤屋縣隸陝西西安府

釋名薛綜西京賦注盤屋山名因名縣元和郡縣志

山曲曰盤水曲曰屋

古駱國

路史字亦作縣父之國京兆宜壽縣有駱谷故盤屋地

商郝國

駱郝同地但先後異時

路史太昊弟郝省字或作骨形近致誤氏之後右扶風盤屋也

周為王畿地

宋王希先方域譜詩曰邦畿千里周時雖未有盤屋之名而其地去豐鎬甚近故云王畿

秦為內史地

漢書百官表內史周官秦因之掌治京師

漢為盤屋縣屬右扶風

漢書地理志右扶風故秦內史高帝元年屬雍國二年更為中地郡九年復罷為內史

東漢省

章志東漢光武省入武功

魏晉省

洪亮吉補三國疆域志扶風郡魏去右字領縣七無盩厔

後魏復置盩厔縣屬扶風郡關內周咨錄北魏置扶風郡治好時

地形志真君七年置盩厔縣併武功屬焉

西魏為盩厔縣

通志後魏盩厔屬扶風郡西魏因之

北周置周南郡盩厔屬焉

通典後周從鄠縣西北移於今所置周南郡又割雍州

之終南郡於此置恆州領周南郡後廢州三年移盩厔

縣於此

隋為盩厔縣

隋書地理志京兆郡領盩厔縣

唐為盩厔縣又為宜壽縣

舊唐書地理志盩厔隋縣武德三年屬稷州貞觀三年還屬雍州天授二年屬稷州大足元年還雍州天寶元年改為宜壽縣至德三年三月十八日復為盩厔

五代皆為盩厔縣

通志梁開平中隸大安府

宋為盩厔縣更置清平軍

宋史地理志鳳翔府盩厔

次畿

又云清平軍本鳳翔府

盩厔縣清平鎮大觀元年升為軍置終南縣隸京兆府

金終南縣隸京兆府盩厔縣隸鳳翔府復置恆州

金史地理志京兆府上

終南

宋清平軍

元屬奉元路

元史地理志至元初併終南縣入盩厔皇慶元年改安

西為奉元路

盩厔

下屯田九百三項有奇

明屬西安府

明史地理志洪武二年三月改奉元路為西安府

疆域

一統志府西南一百六十里東西距一百五里南北二

百九十里東至鄠縣界六十五里西至鳳翔府郿縣界

四十里南至興安府石泉縣界二百四十里

舊縣志南四百里至

洋縣界地

北至乾州武功縣界五里東南至鄠縣界五十里

名蒲河

舊縣志東南二百里至

石泉縣界地名五郎山

西南至漢中府洋縣界二百里

舊縣志西

南三百三十里至鳳翔縣界地名黃牛鋪

西北至武功縣界三十里

舊縣志西北三十里直至扶風縣界地名柳樹村

通志編戶四十里

形勢

沈亞之整屋丞廳壁記道通巴漢三蜀南極山不盡三十里北阻渭短長之補與南而近其野半為澤麓

名山

終南山

淮南子作中隆山括地志一名橘山一名楚山一名泰山一名周南山一名地肺山

舊志在縣南二十五里東接鄠縣西接郿界枝峯別

嶺隨地異名

太一山

通志東西連亘藍田咸甯長安鄠整屋五縣境

孔安國尚書傳終南一名太一山

五經要義太一亦名終南山

漢書地理志太一山古文以為終南山

方白山

蜀杜光庭嶽瀆名山記方白山德元洞天五百里在蓋
屋境

四方山

鄒志在縣西南

傲山

鄒志在縣南其峯最高以其可傲眾山故名

三台峯

鄒志在縣東南二十里端正秀麗迥異羣峯

韋谷

長安志在縣西南五十里與鄒縣接界俗謠為泥谷其水自南山流出下至青化店

駱谷

鄒志在縣西南三十里又南八十里為十八盤又南十里至河底為故駱谷關通洋縣

明史地理志蓋屋駱谷長四百六十里谷口有關谷中有十八盤

黑水谷

通志在縣南二十五里一名芒谷

府志芒水黑色因以芒谷為黑水谷其南三里仙遊潭
北有玉女洞東側有馬融讀書石室又南一百八十里
即秦嶺也

沈嶺

長安志在縣南五十里蜀將姜維率眾出駱谷經沈嶺
即此

就谷

通志在縣東南三十里

唐六典就谷在盤屋置將作監掌採伐材木處也

太微峯

章志在縣東三十五里東觀谷東一里形勢嵯峨相傳

老子飛昇於此又東側為聞仙谷又東五里為田谷

田谷

通志在縣東南三十五里

石樓山

雍勝略在縣東三十七里形重疊如樓一名樓觀

五福山

鄒志在縣東南五十里田谷內

赤谷

通志在縣東南五十里

甘谷

一統志在縣東南七十里近鄆境

九峯山 舊志
失載

在縣東南六十里翠然起於羣山之中上下參差九峯
競轟其間重巖複嶺嵌崿相屬深谿洞壑遷迤連接

大川

渭水

禹貢錐指在縣北五里自郿縣流入又東逕興平入鄠
縣界

強谷水

府志在縣西二十里源出強弩谷北流五里合稻谷水
又北逕陽化鋪為陽化河東北入渭

駱谷水

通志在縣東二里

水經注洛谷水出南山洛谷北流逕長安西入渭

黑水河

通志在縣東十六里

水經注芒水出南山芒谷北流逕玉女房又北逕竹圃
分為二流一水北流注渭其支流自竹圃西北入渭

就谷水

通志在縣東

水經注就水出南山就谷北逕大陵西北與黑水合水
上承三泉就水之右三泉奇發言歸一瀆北流左逕就水
又北流注於渭

田谷水

通志在縣東二十里

水經注田溪水出南山田谷北流逕盤屋故城西按故城在縣東又東北與一水合水上承南泉又北注田溪水又北流注於渭

赤谷水

通志在縣東南一名漏水

西山經南山丹水出焉即赤水北流注於渭

耿谷水

通志在縣東五十里

水經注水發南山耿谷北流與柳泉合又東北與赤

水會

甘谷水今名甘河

通志在縣東六十里接鄠縣界

水經注甘水出南山甘谷東合澇水

澇谷水今名澇河

府志在縣東七十里谷岸西為本縣境東為鄠境北流澇店入興平界

暖泉

通志在縣西南二十里逕南旺里北流三十里入渭又耐山寺前有泉至閻家舍與暖泉合流

白龍泉

長安志在縣東一里

渠堰

洪隆渠

舊志在縣西南三十五里引車谷水西流入澇池又東流為車廠渠積厚渠俱歸陽化河入渭

乾溝河

通志在縣西南二十五里即強谷水下流

天河渠

通志引鳳凰泉水北流經上寶谷昌谷坊啞柏堡灌田

三頃六十畝

觀音渠

通志引暖泉水東北流逕南旺堡

聖澤渠

通志在廣濟渠西南雍正四年引黑營溝水北流經方家山至高廟斜里等堡以供食用

廣濟渠

通志在辛口谷西南引西駱谷水北流經雷神寨諸處至西關入城濠又北流入渭

興隆渠

通志知縣梁克順濬廣濟渠東岸支流以溉辛寺南堡

等田數頃

今僅供民間食用無灌溉之利

又壽生渠引辛口谷水東流

不灌

經棗林人遠二村火燒莊

紅巖渠

通志即黑河支流在盧河西岸開渠北流三里為二渠
一渠灌焦家樓等田三頃一渠堙沒

黃堰渠

通志在黑河東岸開渠作堰灌上下姚村等田十六頃
就谷渠

通志引就谷水西支為渠灌田二頃七十畝又東塔兒
谷發源為魚鱗渠不灌田

沙河

通志在縣東二十里沙泉流出縣令章泰以南淇水以
下黑水灣以上首尾六七里河身僅寬數尺水不能容

泛溢為患康熙二十年春開廣三丈濬深一丈兩岸堅築高隄水行隄中止及其半稻田大稔花谷倍收

貢院泉渠

通志在縣東十五里引貢院泉灌淇水堡等田一頃

龍灣渠

章志及渠碑云開自明萬歷年間實係天井葦園之末流並非龍泉下流也

磨渠

通志田谷水西岸引水西北流灌焦家堡等田三頃七十畝至樓觀村合閘仙谷水至省村合東觀谷水其在田谷水東岸引水東北流者為金水渠灌豆村等田一

項餘

甘谷渠

鄒志從甘谷口出係郝家寨白廟十八村人畜食用不灌田

永濟

此渠昔名泥渠為黑河支流灌溉附堡田禾一百五十畝後因黑河暴冲不能灌田

金家渠

在縣東南七里乃金張官寨居民創疏

漆渠

長安志在縣南五里

逸史周穆王獵於漆澤按獵穆天子傳作舍澤作

通考秦二世修阿房宮開渠運漆故名漆渠

靈枳渠

史記河渠書關中靈枳引諸水

漢地理志蓋屋縣靈枳渠武帝穿水經注蓋屋縣北有蒙籠源上丞渭水於郿縣東逕武功縣為成林源東逕縣北亦曰靈軹源

盤屋縣志卷之二

建置

知縣楊儀重修

縣城通志本隋唐舊址東西長南北狹象魚形周五

分高三丈二尺四面皆重門東曰暹曦西曰萃金南曰
迎熏北曰拱極明嘉靖中知縣李春芳於內外東門及
西內南外各建樓北內樓則知縣黎元續成之又引廣
濟渠由隍西南東西夾流南深一丈廣三丈五尺東西
較狹而深

本朝康熙元年知縣駱鍾麟修築有教諭齊國良記十八
年知縣章泰濬壕甃甕城以磚改建城樓復新城北女

牆小亭顏曰觀稼自為文記之雍正二年知縣董霑修
觀稼亭譙樓在縣治前霑並新之亦自為記

恒州故城舊志在縣東五里名辛家寨舊址尚存

終南故城舊志在縣東三十五里唐武德中析置即今終

南鎮

宜壽故城舊志在縣南三十里即隋宜壽宮城

清平軍故城舊志在縣東二十五里

縣署通志在城內東北即宋元舊治明洪武二年重修宏

治時知縣蕭選建大門樓嘉靖中知縣李春芳建退思

堂

本朝康熙元年知縣駱鍾麟鼎新之十九年知縣章泰拓

退思堂為五楹增左右廂重建庫樓東西吏舍西南犴狴
悉加修葺自為記

雙松舊署白居易為縣尉嘗手移二松於署及內召後寄
題有悔從白雲裡逼爾落凡塵之句日久署廢乾隆三
十八年知縣徐作梅修葺西廳題其額曰白雲寄興以
誌遺蹟云

縣丞廨舊志向在縣署西乾隆十年改駐祖庵鎮

典史廨在縣署西

禁獄在縣署二門內共屋一十八間乾隆三十六年知縣徐

大文重修

陰陽學 舊址改 醫學 舊址改 僧會司 在瑞 道會司 在太
為街道 為民居 光寺 清觀

恆州公署舊志在城東南街乾隆十四年知縣鄒儒以社學
久廢屋宇傾圮乃捐貲修葺以為公館

慶祝宮舊名萬壽亭在城內東大街坐北向南
察院公署在東街明知縣李承恩建

儒學在城東南隅文廟西明知縣程訓建邑紳焦蕃輸金
佐之中為明倫堂左為博文齋右為約禮齋堂後為尊
經閣東為敬一亭 本朝知縣何起鳴建 教諭宅在

明倫堂後訓導宅在堂西明知縣梁克順田時暢修
入學額數會與盤屋大學歲科試額進文生員十五名歲
試額進武生員十五名

學田 府志計地一頃三十五畝五厘租五十二石五斗七合

六勺 舊縣志失載今照府志補入

旱地一頃三十二畝 三分二厘

每畝徵市斗麥八升市斗粟穀二斗

稻地二畝

八分三厘每畝徵市斗稻八斗

共徵小麥二十三石

七十九十九合六勺粟谷二十六石四斗四升四合稻

二石二十六升四合

祭器

雲雷樽一 象樽一 犧樽一 大樽四 匱盆一

劍二十 登一 香爐十五 燭臺三十 爵四十八

簋二十一 簋二十一 杓六 籩七十六 豆七十六

案桌十二 牲俎十五 桌圍二 黃布 桌圍

對峯書院在東門外乾隆十三年知縣鄒儒捐貲倡建
共基十五畝大門三間儀門三間講堂五楹掌教宅三楹
文昌祠三楹左肄業房二十間右肄業二十間左右
廚房共六間週圍垣墻共九十八丈因門對終南三臺
峯顏曰對峯

鎮堡

終南鎮在縣東三十里又東二十里為尚村鎮 焦家

鎮在縣東南二十五里又東南四十五里為甘河鎮 按長安志作甘泉鎮

祖庵鎮在縣東六十里古為雙溪鎮 啞柏鎮在縣西

二十五里 清平鎮在縣東二十五里宋改為軍 臨川

堡在縣東五十里 臨一作林 堡一作鎮 清化堡在縣西四十里

常平倉 一在縣城一在祖庵鎮乾隆十三年知縣鄒儒建

社倉

青化鎮倉縣西四十里 啞柏鎮倉縣西三十里 蘇
村堡倉西南十五里 辛寺堡倉西南十里 頭屯堡
倉縣西三里 安家莊倉縣東三里 焦家巷倉縣東
南三十里 豆村堡倉縣東三十里 六曲堡倉東南
四十里 尚村鎮倉縣東五十里 祖庵鎮倉縣東六
十里 皆雍正七年奉文建每處屋五楹 終南鎮倉
縣東三十里 馬召堡倉縣南三十里 皆乾隆十五
年士民捐建每處屋三楹

關梁

柴家關在縣南微東三百六十里自黑水谷歷桃李坪

爛柴灣石牛灘逾柳葉河登峻越險至老虎坡梨樹坪

小玉澗 堵牆度秦嶺六十里置關道通洋縣明設巡

司今裁

陳姑坊橋

係西南孔道舊有木橋順治十六年夏暴雨漂沒耆民越自強捐貲倡建右橋行人稱便

至康熙十八年而圯自強子爾養重加修理未幾又壞知縣章泰捐貲改遷雍正年圯善士李明文吳永成高

江修葺

映柳橋

在原馬店

天衢橋

在啞柏鎮

澗河橋

在西寨

瑞福橋

在祖廟

東河橋

在頭路

環水橋

在呂馬村

浮水橋

在甘谷

通仙橋

在馮鋪

母猪江橋

在南

在終

太古橋

在龔家庄

白馬橋

在韓村

白沙橋

在郝村

響橋

在郝村

遇仙

澗河橋

在鄠

以界

外有黑盧兩河一遇暴雨山湍悍勢不能橋明知縣

何起鳴造船二隻僉夫二名護渡往來甚便

驛鋪

黑松驛 即黑水谷口

在城驛東至鄠縣七十里南至

櫻桃驛四十五里

櫻桃驛至三交驛五十五里 三

交驛至林關驛四十五里

林關驛至洋縣大望驛七

十五里 駱口驛見長慶集俱久廢

在城鋪 東十里遞紅花鋪 又東十里遞界上鋪

又東三十里遞馮尚鋪 又東十五里遞灰渠鋪 又

東十五里遞鄆縣在城鋪

營汛 在城東門外另設一堡官署兵房俱在內順治十

年建

原設駐遊擊一員康熙四十七年改為守備雍正十年又
改為都司乾隆四十七年復改為守備設經治外委千
總一員

原額馬兵二十名現在八名

原額守兵一百七十一名現在一百一十一名

教場在縣東門外沙河灘計地一十一畝
里社

興仁里	東關里	淇水里	辛莊里	豆村里
終南里	禪定里	六曲里	馮尚里	利澤里
北市里	辛街里	郝村里	焦家里	大玉里
集賢里	榮村里	蔣下里	王郭里	辛村里
曹村里	禮皇里	樂城里	西寨里	臨川里
遇仙里	仙金里	西關里	蔡原里	南旺里
陽化里	昌國里	黃澗里	西溝里	大平里
歡樂里	辛興里	忠力里	奉泉里	閻庄里

市集

縣城市

終南鎮

臨川鎮

啞柏鎮

青化鎮

俱以雙
日為市

祖菴鎮
以單日
為市

